



CONVOCATORIA DE AXUDAS A PROGRAMAS DE ACTIVIDADES ESTUDANTÍS 2018

A Universidade da Coruña publica a presente convocatoria de axudas a programas de actividades estudantís para o ano 2018 destinadas ás asociacións de estudantes legalmente constituídas e inscritas no Rexistro de Asociacións da Universidade da Coruña (RAE-UDC).

OBXECTO

Mediante esta convocatoria preténdese estimular e incrementar as actividades realizadas polo estudantado nos ámbitos científicos, deportivos e culturais co obxectivo de fomentar hábitos participativos e de difusión do coñecemento da institución universitaria. Para os efectos, esta convocatoria de axudas recolle os seguintes programas de actividades:

1. Dinamización da información e participación estudantil.
2. Promoción e desenvolvemento científico, cultural, artístico e deportivo.
3. Preparación para o exercicio de actividades profesionais.
4. Promoción das titulacións da Universidade da Coruña.
5. Calquera outra actividade que favoreza o desenvolvemento da participación activa do estudantado na formación propia e na libre manifestación de opinións científicas.

Quedan excluídas desta convocatoria as actividades de carácter académico previstas nos programas de estudos das diferentes titulacións da Universidade da Coruña ou as realizadas polos servizos da UDC.

CONDICIÓNS DAS ENTIDADES SOLICITANTES

Poderán solicitar axudas nesta convocatoria todas as asociacións de estudantes legalmente constituídas e inscritas no RAE-UDC que cumpran os requisitos establecidos no artigo 20 do Regulamento de Asociacións de Estudantes, aprobado na sesión do Consello de Goberno de 19 de decembro de 2005 e modificado na sesión do 26 de novembro de 2009. Cada asociación só poderá presentar unha única solicitude en que constarán todas as actividades para as que se solicita a axuda.

FINANCIAMENTO

A presente convocatoria de axudas a programas de actividades estudantís será financiada con cargo á partida orzamentaria **0300030022 422D 480.01**, denominada Axudas a Asociacións e Grupos de Estudantes, da Vicerreitoría de Estudantes, Participación e Extensión Universitaria. A dotación económica desta convocatoria será de **30.000 €**.



DOCUMENTACIÓN

A solicitude presentárase no modelo normalizado (Anexo I), dirixida á vicerreitora de Estudantes, Participación e Extensión Universitaria, acompañada da seguinte documentación:

A) PARA TODAS AS ENTIDADES SOLICITANTES

1. Programa detallado das actividades que se van realizar.
2. Orzamento detallado das actividades que se van realizar (o importe total solicitado por cada asociación non poderá superar o 50% da cantidade da partida asignada para esta convocatoria).
3. Fontes externas de financiamento, se as houber.
4. Cada actividade situarase dentro dos programas e actividades para os que se solicita a axuda como consta na ficha de solicitude.
5. As actividades desenvolveranse ao longo do ano natural 2018, con data límite de realización ao peche do exercicio económico, sen prexuízo de presentar a memoria de actividades implementadas no prazo do 31 de outubro.

B) ASOCIACIÓNS BENEFICIARIAS DUNHA AXUDA NA CONVOCATORIA 2016-2017

As asociacións que resultaran beneficiarias dunha axuda na convocatoria do curso 2016-2017, deberán presentar unha breve memoria xustificativa dos gastos, incidencias, calidade e participación estudiantil das diversas actividades programadas.

COMISIÓN DE SELECCIÓN

A Comisión de Extensión Universitaria, delegada do Consello de Goberno, será a encargada de estudar e propor de xeito priorizado a selección de solicitudes.

A Comisión poderá conceder axudas de menor contía ás solicitadas en función do número e das características das solicitudes presentadas e das limitacións orzamentarias. Publicarase na páxina web da Universidade da Coruña unha listaxe provisoria das solicitudes admitidas e abrirase un prazo de 5 días hábiles para presentar reclamacións. A resolución das actividades aprobadas publicarase no mesmo lugar.

Igualmente notificaráselle a cada asociación solicitante o importe da axuda concedida.

BAREMO

Os criterios para a avaliación serán os seguintes:

1. Fixo para cada solicitante (15%)
2. Número de estudantes e centros potencialmente beneficiarios das actividades (30%; 45%; 60%).
3. Carácter continuado e non simplemente ocasional das actividades (4%).
4. Resultados que se obtiveron en convocatorias anteriores (4%).
5. Capacidade para xerar procesos de participación (4%).
6. Viabilidade do proxecto en función dos recursos do grupo promotor (5%).
7. Fontes de financiamento externo solicitado ou concedido (3%).
8. Colaboración na difusión das titulacións (5%).



OBRIGAS DAS ENTIDADES ADXUDICATARIAS

A aceptación da axuda por parte da asociación solicitante compromete a esta a realizar as actividades programadas.

Calquera modificación substancial do programa orixinalmente proposto deberalle ser notificada á Vicerreitoría de Estudiantes, Participación e Extensión Universitaria onde se solicitará a necesaria autorización para proceder a realizala.

Na publicidade das actividades e, de ser o caso, nas publicacións derivadas, farase constar expresamente que foron financiadas ou cofinanciadas pola Vicerreitoría de Estudiantes, Participación e Extensión Universitaria da Universidade da Coruña.

As asociacións beneficiarias deberanlle presentar á Vicerreitoría de Estudiantes, Participación e Extensión Universitaria, entre o 1 de setembro e o 31 de outubro de 2018, unha memoria das actividades realizadas pola Asociación ao abeiro desta convocatoria, acompañada das evidencias correspondentes. ***No caso de que as actividades estean suxeitas a unha aportación económica por parte dos matriculados, ten que ser debidamente xustificada na súa memoria de actividades.*** Así mesmo, os datos das asociacións terán que estar actualizados como establece o artigo 20.c do Regulamento de Asociacións de Estudiantes aprobado na sesión do Consello de Goberno de 19 de decembro de 2005 e modificado na sesión do 26 de novembro de 2009.

INCUMPRIMENTO

O incumprimento dos compromisos adquiridos coas propias bases da convocatoria dará lugar á suspensión da axuda concedida.

O incumprimento coa presentación da memoria en prazo e forma suporá a exclusión das convocatorias a programas de actividades estudiantís inmediatas.

SEGUIMIENTO

Para o seguimento e control das axudas concedidas, a Comisión de Extensión Universitaria, delegada do Consello de Goberno, a través da Vicerreitoría de Estudiantes, Participación e Extensión Universitaria, poderalles solicitar ás asociacións toda a documentación que fose necesaria, reservándose o dereito de comprobar os contidos na solicitude de subvención, verificar a realización das actividades subvencionadas e difundir e dar a coñecer estas publicamente.

PAGAMENTOS

Os pagamentos derivados da aplicación das axudas, xustificadas documentalmente a través das correspondentes facturas que serán presentadas no SAPE (Pavillón de Estudiantes, campus de Elviña, 15071 A Coruña) xunto co orixinal para o seu cotexo antes do 31 de outubro de 2018, serán tramitados e librados aos receptores últimos polo centro de gasto da Vicerreitoría de Estudiantes, Participación e Extensión Universitaria.

Contra esta axuda non se poderá cargar gastos de protocolo (xantares, bebidas).



INCIDENCIAS

A Vicerreitoría de Estudantes, Participación e Extensión Universitaria resolverá todas as consultas, dúbidas ou incidencias que se produzan na aplicación desta convocatoria.

PRAZO E LUGAR DE PRESENTACIÓN DAS SOLICITUDES

As solicitudes, segundo o modelo publicado como Anexo I a esta convocatoria, deberán presentarse:

No Rexistro Xeral da Universidade da Coruña (Rúa da Maestranza 9, 15001 A Coruña)
No Rexistro Auxiliar do campus da Zapateira (Facultade de Ciencias, andar baixo A Coruña).

No Rexistro Auxiliar do campus de Ferrol (Edificio de Apoio ao Estudo, andar baixo, campus de Esteiro, Ferrol).

Mediante o envío da documentación a través de calquera dos medios establecidos no artigo 16.4 da Lei 39/2015, do 1 de outubro, do procedemento administrativo común das administracións públicas ou norma que o substitúa.

O prazo para a presentación de solicitudes permanecerá aberto desde o día seguinte ao da publicación desta convocatoria até as 14:30 h do 9 de febreiro de 2018.

A Coruña, 24 de xaneiro de 2018

A vicerreitora de Estudantes, Participación e Extensión Universitaria

Margarita Amor López



**SOLICITUDE DE AXUDAS A PROGRAMAS DE ACTIVIDADES
ESTUDIANTÍS ANO 2018**

ANEXO I

Nome da asociación: _____

Apelidos e nome da persoa que preside a asociación (ou persoa en quen delegue): _____

Enderezo para os efectos da notificación: _____

Teléfono de contacto: _____ Correo electrónico: _____

ACTIVIDADE	DATA DE REALIZACIÓN DA ACTIVIDADE	AXUDA QUE SE SOLICITA	AXUDA QUE SE CONCEDE

A Coruña, de de 2018

Asdo.: _____

**SRA. VICERREITORA DE ESTUDANTES, PARTICIPACIÓN E EXTENSIÓN
UNIVERSITARIA**